

APOIU KU INERJIA NA KAZA

KONXE BUS DIREITU

**PROTEJE BU
AGREGADU
FAMILIAR DI
KORTIS DI
AKESIMENTU.**



IDOZUS	Tudu kes ménbru di agregadu familiar [fora kes fidju ménor na kuidadu di idozu(s)] debe ten 65 anu ô más. Kel agregadu familiar debe notifika enpreza. É KA nisisáriu konprovativu di prublémás finanseru.
DUÉNSA GRAVI	Debe konprova ma algén (klienti ô familiar) stá ku duénsa gravi, ku aprizentason di un karta di un médiiku, infermeru, médiiku asistenti, ô di Konselhu di Saúdi. Debe sta abranjidu pa kel taxa di diskontu ô konprova difikuldadi finanseru. Kel karta di duénsa gravi debe ser renovadu kada 90 dia ô kada 180 dia na kazu di un duénsa króniku.
MORATÓRIA DI INVÉRNU	Ta aplika a gás (si uzadu pa akesimentu) ô a iletrisidadi (si uzadu pa faze funsiona fornu, kaldera, termostatu ô kumandu di akesimentu). El ta funsiona di 15 di Nuvénbru ti 15 di Marsu. Debe konprova difikuldadi finaneru ô sta abranjidu pa taxa di diskontu.
BEBÉ	Na agregadu familiar debe ten un bebé ku ménus di 12 mês di idadi. Debe aprizenta sertidon di nasimentu, sertidon di batismu ô otu prova razuável di idadi. Debe konprova difikuldadi finaneru ô sta abranjidu pa taxa di diskontu.

KANDIDATA PA ABCD FUEL ASSISTANCE (APOIU KU KONBUSTÍVEL DI ABCD) PA TEN APOIU PA PAGA KES KONTA DI AKESIMENTU DI 1 DI NUVÉNBRU TI 30 DI ABRIL!

Rizidentis di Boston, Brookline, y Newton pode kontakta ABCD Fuel Assistance (Apoiou ku Konbustível ABCD) pa:
178 Tremont Street, Boston, MA.
Txoma-nu pa 617.357.6012
TTY: 617.423.9215

Rizidentis di Everett, Malden, Medford, Melrose, Stoneham, Winchester, y Woburn pode kontakta ABCD Fuel Assistance (Apoiou ku Konbustível ABCD) pa:
18 Dartmouth Street, Malden, MA.
Txoma-nu pa 781.322.6284

**IMERJÉNSIAS KU
AKESIMENTU:**

Paralén di kontakta Dipartamentu di Inerjia di ABCD, bu pode txoma:
The United Way: 800.231.4377 ô txoma pa 211 | The Salvation Army: 617.542.5420

LISTA DI KONTROLU DI KES PRINSIPAL PROTESON PA KES KONSUMIDOR DI SIRVISUS PÚBLIKU

DUÉNSA GRAVI: Si ten ALGUN algén na kel agregadu familiar (adultu ô kriansa) ki tene un duénsa gravi. Sirvisus pùblíku ka pode kortadu (y debe torna ligadu) si algén na kel kaza tene un duénsa gravi. Un duénsa pode ser fíziku (pnueumonia, etc.) ô mental (dipreson, bipolaridadi, iperatividadu ô défisi di atenson), di kurtu durason (pur izénplu, gripi) ô di longa durason (kankru). Kel enpreza di sirvisus pùblíku KA ten direitu di disidi kuze ki-é un duénsa gravi. Basta bu tene un karta di un médiku, infermeru, médiku asistente ô di Konselhu di Saúdi. Na un pruméru fazi, pode ser fetu un xamada di médiku pa kel enpreza, si dipôs el sigidu di un karta. Bu debe spera y iziji pa kel sirvisu pùblíku torna ligadu na mesmu dia (más tardar, na prósimu dia) sénpri ki bu konprova un duénsa gravi, pa tilifóni, fax ô karta di un médiku. Tanbê, bu ten ki konprova ma bu ten “difikuldadi finanseru” na paga kes fatura. Ta konsideradu di forma automátku ma kualker klienti ki ta resebe LIHEAP (Asisténsia ku Konbustível) ten difikuldadi finanseru.

KRIANSA KU MÉNUS DI 12 MÈS: Si ten un kriansa ku ménus di 12 mês di idadi na kel agregadu familiar, un enpreza di sirvisus pùblíku ka pode kansela sirvisu si ten un kriansa pikinoti na kel kaza, y es debe torna liga kel sirvisu ki foi kanseladu si kel krianasa staba na kel kaza na altura ô antis di kel kanselamentu. Idadi di kel kriansa pode ser konprovadu ku sertidon di nasimentu, sertidon di batismu, ô ku kualker otu meu razuável. Debe tanbê ser aprizentadu “difikuldadi finanseru”.

MORATÓRIA DI INVÉRNU: Kes fornesedor di sirvisus pùblíku ka pode kansela kel sirvisu rilasionadu ku akesimentu (ô seja, sirvisu di gás natural, si for uzadu pa akese kaza; ô iletrisidadi, si kel inkilinu ta paga pa akesimentu pamodi iletrisidadi é nisisáriu pa kes kontrolus di fornalha/kaldera) entri **15 di Nuvénbru y 15 di Marsu**, si kel agregadu familiar tene “difikuldadi finanseru”. Kes data li é normalmenti prologandu ti 1 di Abril ô 30 di Abril.

KLIENTIS IDOZU: Si **tudu** kes algén (fora kes fidju ménor ki sta na kuidadu di kel/kes idozu di agregadu familiar ten 65 anu ô más, kel enpreza ta meste di aprovason splisitu di DPU (Dipartamentu di Sirvisu Pùblíku) pa kansela fornesimentu di kel sirvisu, ki-é kuazi nunka autorizadu. Informa SÉNPRI kel enpreza si tudu kes algén di agregadu familiar ten 65 anu ô más. Si sirvisu dja foi kanseladu, el debe torna ligadu.

TAXAS DI DISKONTU: Ditirmina SÉNPRI si bu sta abranjidu pa kel taxa di diskontu pa kes rendimentu baxu. Na kazu di dúvida, txoma kel enpreza pa sabe si bu sta abranjidu pa kel tarifa. É mutu fásil pa kel enpreza virifikasi. Taxas di diskontu é obrigatoriu pa lei y tudu kes enpreza tene-s. Kes klienti ki ta binifisia di Apoiu ku Konbustível ta kualifika pa kel diskontu y, normalmenti, es ta resebe kes diskontu di forma automátku através di notifikason di enpreza di sirvisus pùblíku pa parti di kel ajénsia di apoiu ku konbustível. Klientis di TAFDC, di Valis di Alimentason, di Mass. Prugrama di saúdi, WIC y otus prugrama di avaliason di rendimentu tanbê ta kualifika, mas, es pode ten ki kandidata diretamenti na enpreza di sirvisus pùblíku; algun di kes prugrama li ta ser inkrevedu di forma automátku (inkontra kes taxa di diskontu di kandidatura na Internet).

PLANUS DI PAGAMENTU: TUDU ALGÉN ten direitu a kes PLANU DI PAGAMENTU. Kel-li ta djuda un algén ki tene kontas en atrazu pa dividi kes pagamentu pa monti mês. Si inda bu ka kanseladu kel sirvisu, kel enpreza TEN ki oferece un planu di pagamentu di, PELUMÉNUS, kuatru mês. Alguns planu di pagamentu ten un durason di 12 mês ô más. Si bu sirvisu foi kanseladu, kes régra ka é ton favorável y es é más rigorozu duranti outonu (pamodi kel moratória di invérnu sta kuazi ta kumesa y kes enpreza ta sta más agresivu na tentativa di korta kel sirvisu). Insisti SÉNPRI na un planu di pagamentu ki bu ta konsigi paga.

PERDON/JISTON DI PAGAMENTUS EN ATRAZU: Undi ki divida di sirvisu pùblíkus é perduadu, óras ki algén ta aderi pa un planu di pagamentu struturadu. Pa más informason sobri kel planu li, txoma bu enpreza di sirvisus pùblíku: **NGRID GAS 1-800-233-5325. EVERSOURCE 1-866-315-2496.**

CROMWELL WAIVER (IZENSON CROMWELL): Bu ka pode ser rikuzadu sirvisus pamodi un saldu en divida di un inderésu antigüo óras ki bu ta pidi sirvisus na un novu inderésu. Si bu rikuzadu sirvisu, pidi un “Izenson di Cromwell” di kel di sirvisu pùblíku. Un prusésu ta bai ser sigidu undi ki bu ta ser obrigadu a stabelese un planu di pagamentu.

KONFORMIDADI KU SIRVISUS PÙBLIKU: Si bu tene difikuldadi na faze kel enpreza di sirvisus pùblíku kunpri kualker un di kes pruteson ô prugrama diskritu di riba, txoma Divizon di Konsumidoris di DPU (Dipartamentu di Sirvisus Pùblíku) pa **1-877-886-5066**. Kel riprzentanti tilifóniku di linha di atendimentu ta bai aji na bu nómi. Kazu kontráriu, pidi fala ku se supervizor.